

Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koga zastupa policijski komesar, generalni inspektor policije Mevludin Halilović, (u daljem tekstu Kupac)

i

„MIBO KOMUNIKACIJE" d.o.o Sarajevo, ul. Tvornička broj 3, koga zastupa direktor Marko Boštjančič (u daljem tekstu: Prodavac)

zaključili su:

UGOVOR O NABAVCI OPREME ZA SISTEM RADIO VEZE

PREDMET UGOVORA I CIJENA

Član 1.

Predmet ugovora je nabavka opreme za sistem radio veze (DMR sistem) za potrebe Uprave policije Ministarstva unutrašnjih poslova Kantona Sarajevo i to:
radio repetitor VHF (5kompleta), mobilni radio repetitor (1 komplet), repetitorska antena VHF (3 kompleta), link za povezivanje repetitora (3 kompleta), fiksna radio stanica VHF (11 kompleta), fiksna radio stanica UHF (1 komplet), antena za fiksnu radio stanicu VHF (5 kompleta), antena za fiksnu radio stanicu UHF (1 komplet), ručna radio stanica tip1 (60 kompleta), ručna radio stanica tip2 (182 kompleta), ručna radio stanica tip 3 (19 kompleta), ručna radio stanica tip4 (51 komplet), grupni punjač radio stanica (11 komada), automobilski punjač baterija (5 komada), gumice za označavanje radio stanica (pakovanje 10 komada-35 pakovanja), laptop računar za programiranje opreme (1 komad).

Nabavka je izvršena putem otvorenog međunarodnog postupka, objavljivanjem obavještenja o nabavci broj 16475-1-1-21-3-4/17 od 20.09.2017. godine, na osnovu Odluke o izboru najpovoljnijeg ponuđača broj 02-14-4-16354/17 od 08.11.2017. godine.
Ponuda Prodavca broj PON-1620-17 je sastavni dio ovog ugovora.

Ukupna cijena predmetne nabavke sa PDV-om iznosi 499.897,71 KM.
(četiristotinepedesetdevethiljadaosamstotinadevedesetsedam i 71/100 KM).

GARANCIJA ZA DOBRO IZVRŠENJE UGOVORA

Član 2.

Prodavac se obavezuje da će u roku od deset (10) dana od dana obostrano potpisanog ugovora dostaviti bankarsku garanciju za uredno izvršenje ugovora u obliku bezuslovne bankarske garancije u iznosu od 10% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

ROK ISPORUKE I UGRADNJE

Član 3.

Rok za isporuku i ugradnju opreme iz člana 1. ovog ugovora je šezdeset (60) dana od dana potpisivanja ugovora.

NAČIN PLAĆANJA

Član 4.

Plaćanje se vrši u roku od trideset (30) dana od dana ispostavljanja fakture za isporučenu i ugrađenu robu/opremu, na tekući račun Prodavca.

GARANTNI ROK

Član 5.

Garantni rok za radio uređaje je dvadeset četiri (24) mjeseca od dana isporuke i instalacije opreme. Za svu ostalu opremu koja je predmet ovog ugovora i koja je obuhvaćena ponudom Prodavca, garantni rok iznosi dvanaest (12) mjeseci od dana isporuke i instalacije opreme.

Prodavac se obavezuje da će ovlašteni servis proizvođača Motorola Solutions otkloniti kvar ili zamijeniti tehnički neispravnu robu/opremu u toku garantnog perioda na svim lokacijama gdje je roba/oprema montirana i instalirana, prema tehničkim specifikacijama iz tenderske dokumentacije.

RJEŠAVANJE SPOROVA

Član 6.

Ugovorne strane su saglasne da sva eventualno sporna pitanja rješavaju dogovorom, štiteći obostrane interese.

U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.

ZAVRŠNE ODREDBE

Član 7.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

Član 8.

Ugovor stupa na snagu danom potpisivanja ovlašćenih predstavnika i traje do realizacije ugovorene isporuke i ugradnje.

PRODAVAC
MIBO KOMUNIKACIJE d.o.o.
SARAJEVO
direktor Marko Boštjančić

Broj : 279-17

Datum: 27.11.2017

KUPAC
MUP KANTONA SARAJEVO
UPRAVA POLICIJE
POLICIJSKI KOMESAR
Generalni inspektor policije
Mevludin Halilović

Broj : 02/14-4-16893

Datum: _____